



國家清史編纂委員會・文獻叢刊

清代詩文集彙編



國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 五八五

少梅詩鈔六卷 瑞元撰

一

慧珠閣詩鈔一卷附錄一卷 多隆阿撰

一〇九

金果毅公家書節錄一卷 金雲門撰

一二三

慧文閣詩集二卷 畢熙曾撰

一三三

古微堂詩集十卷 魏源撰

一六一

古微堂集十卷（內集二卷外集八卷） 魏源撰

二八一

倚雲山房文集二卷南游吟草四卷倚雲山房試帖二卷 王發越撰

四三七

狷齋遺稿五卷 鄒志路撰

六二九

怡芬書屋詩草十卷 易棠撰

六六七

序

詩者持也所以持其志使不搖持其氣使不奪持其情使不淫也古之為詩者明乎持之為義靡不剛冷性靈淵源忠孝任其意之所至以暢其心之所欲言故其發而為詩可以正綱常可以扶名教可以動天地可以泣鬼神凡使讀是詩者均有以得其好善惡惡之誠然則持之義大矣哉長白容堂瑞公自束髮授書即從余游歷十載寒暑研經稽古夢寐不倦以其餘事學為詩然不苟作必有所寄託以寫時事蓋其天性然亦余之夙心有以深契之也嘉慶戊寅春余獲選天台司訓捧檄出京君則授職刑曹總辦秋讞蹤迹相距

幾二十年雖筆札往還而詩則無暇論及已歲癸巳余尚待銓家居而君則出守嘉禾相距祇數百里情誼彌殷體卹周至苟非內行醇焉其惠我老人懃懃懇懇若此耶後陞觀察擢藩臬有調馬什哈密駐藏大臣科布多參贊每於邸抄閱之不暇遠莫能忘之感茲於友人赴浙以詩六冊寄示并問序於余余發而讀之自戊午赴吉林乞假省親存詩起嗣是銜

命奉使如西夏之役八閩之役六詔之役皆以讞獄于反間關萬里每有所得輒見於詩羊泉連山兩處則於楚粵界地會辦逆獠勦撫兼施日不遑給而飛書草

序

之暇尚有餘力以與諸鉅公唱和其間構李之守則又培植英材獎勸後進弦歌所被想見君子學道愛人之心自是以後西北馳驅多王事軼掌之作或層岡疊嶂開拓其心胸或異域遐陬曲繪其風景逸興遄飛勃勃紙上無非激發其志氣而涵泳其性情乃益信詩之苟作則必有所感賦以誌其時事此集一出團扇家畫放翁矣余老矣君為人子行取固不待余言惟追述數十年師弟之情淵源有自矣

孝廉余父子則幸甚矣是為序

道光己酉嘉平月友生會稽顧廷綸撰

太夫子小門生小兒慶蒙君培植讀書舉

長白瑞少梅先生癸巳春守嘉禾閱三年修府學舉學
第子爲之歌思樂泮水一章以美之未幾拜福建觀察
之

命甫蒞任榮臬山西雄藩閩嶠路經舊郡靡不歡迎道
左指曰此司馬君實也

先生選政之精愛民之切於斯想見矣詞天各一涯黃

葭秋水賜書慰問惓惓故人郵寄十一硯齋全集俾廷

清受而讀之自甲戌至己酉凡一千餘篇以清新俊逸
之詞筆寫肫摯愷切之性情淵乎其不可及矣夫詩有
六義曰興曰賦曰比可於每篇求之至綜其成集則得

序

一

之爲風爲雅爲頌亦自各有分定而不可強致者世固
未嘗無刻苦爲詩然田野枯槁之士足迹不出里閭無
高山大川以開拓其心胸無草一鉅公以激揚其志氣
身未登清廟明堂目未見車服禮器吟肩畢一世如
郊之寒如島之瘦擬之權文公李衛公諸大集相去不
可以道里計故得風之體易而得雅與頌之遺難也
先生爲

制軍公名父之子早歲擢高科過歷中外官邊塞之阨
要戎馬之艱辛民社水土之險易發於心而抒於筆如
省餘諸作南咳白華之遺也皇華諸作出車扶杜之遺

序

二

也構李聯吟諸作友朋燕饗笙歌卽魚麗由庚之遺也
至玉門繼鈔客藏吟北游草諸作舉凡王事鞅掌靡室
靡家又采薇遠戍北山獨勞之詩之遺也則洵乎其爲
大小正雅材之遺音非孤吟細響者所可跂而及也廷
濟叨侍下風獲邀禮遇前旣借寇公以三年後不復見
黃相再到而渭北春天江東日暮之感未嘗一日去諸
懷詩曰吉甫作誦穆如清風竊焉

先生賦此句也
道光歲在屠維作噩陽月治世愚姪張廷濟謹序

序

十數年前容堂同年自西塞歸以出塞入衛藏諸詩見示曾爲評訂之迨咸豐初君還朝任宿衛尋即提荆楚北匆匆別去欲全讀君詩而未果比余再出山則君已爲

國死難三年矣丁巳春得其長嗣延楨所述事狀知君舊輯詩編所謂十六硯齋集者城陷亡失延楨輩從其家書笥中搜尋舊稿尙存四巨冊復以質余余讀之一月見其清剛之氣蘊養既深又於少陵香山東坡劍南諸集優游饜飫洽其神味故能淨而不薄澹而不枯豪

序

一

而不羣峻而不厲初見之似無他奇至風之久翫之熟而覺其性靈功候皆未易及也集中大抵近體最醇古體間有推敲未到處或定偏已以而茲所存者未及改焉余妄爲訂正一二於君詩之全體求無缺焉耳矣念君致身盡節卓然爲一代完人人重而詩益重不有家庭之副墨巾箱之故草則明璣珍玉幾淪沒於氛煙兵燹間安得傳之人而行於世乎惟入楚後寄京者止一詩臨難之作不可得而聞矣嗚呼可勝歎惜哉越峴宗稷辰序

吾

師容堂先生性情剛毅取舍謹嚴卓然以風節著於當時歲戌戌陳臬山右光笏以縣令進謁與之議論政事娓娓忘倦無一言及於文藝蓋意有所不暇也迨後開藩閩省移節新疆由駐藏大臣海歷參帥而光笏亦以薦舉擢守松江未幾奉諱回里達侍門牆者垂十年己酉春需次都門適

公奉

命還朝得承訓誨如在山右時既出所著十六硯齋詩鈔見示光笏受而讀之篇什繁富一以抒寫性靈爲宗

序

一

而勁直不撓之氣時流溢於行間讀其詩如見其人焉抑

公之詩有三變幼承

庭訓謹守繩尺其爲詩也溫厚而和平迨年登強仕奉使滇黔楚粵筮仕浙閩足跡幾徧天下游覽所至意興增豪一變而爲高華蓋得江山之助者爲多泊乎建牙絕域由烏什而哈密而烏斯藏而科布多地屬窮荒其山川爲版圖所未載其風土爲耳目所未經邊郵久安戎政閑暇睹物振懷因時遣興遂摠其抑塞磊落之氣以發爲蒼涼激壯之音蓋又一變而爲奇恣正如柳子

厚楚南之文蘇子瞻海外之詩離奇變化有必傳於世而無疑者而

公之精力浸消磨於嘯歌吟詠之間亦良可慨矣雖然公以清節上結

主知偉績循聲遠邇傳播海內士大夫想望風裁冀得大用出秉節鉞晉厯封圻指顧間事耳方將本其嚴毅之資潔清之操以整飭吏治爲斯世斯民造福無窮紹家學之淵源隆勲階於柱石夫三僅以詩傳而已哉時道光二十有九年歲次己酉夏六月中浣門人崔光笏謹序

序

二

己酉三月

容堂伯氏宦遊歸里重溫姜被靜對蘇牀出十六硯齋全集囑爲校正剪燭細讀如登太華峯如入山陰道不覺胸次豁然乃喟然嘆曰詩其移我情乎思自乙巳家居後杜門不出嘗有句云未爛舊例繙清語猶有新詩咏漢書但窮愁抑鬱不免作殷浩書空今乃心境和平始知詩之溫柔敦厚古人不我欺也

兄自髫齡隨侍

先嚴任所趨庭之暇大江南北一時名宿筮繩齋顧鄭鄉錢斗槎皆從其遊故詩得正法眼藏每誦其早年雋

序

一

句如雙陽夜月云人到北山北月生東海東重九宿沙河云詩情濃似酒花事淡於人出威遠堡邊門云虎豹聲消威遠堡煙雲氣擁孤山這情勝概幾欲凌駕古人及供職西曹皇華五咏足迹幾徧天下名山大川皆入蒐討境愈奇而興愈豪况有湯敦甫相國禧仲蕃尙書鍾仰山少司冠昇賓旭將軍分箋孽韻而錦囊中遂哀然集矣壬辰連州撫平獠匪三江城受降蒙

恩賞戴花翎從優議叙癸巳出守嘉禾嘉禾古樵李也煙雨樓金陀館駕鵞湖每有騷人韻士相唱酬思耳聞而心豔之惜未至其地在郡振興學校文治蒸蒸後洊

升泉憲釐奸剔弊朝夕不遑故晉省三年絕無一詩復由閩藩調烏什余作楹對送行仰叨

君寵承丹詔勉紹家聲出玉門綠

先大夫有玉門詩鈔今三十餘年矣以故云云烏什風濶事簡得詩最多因公被黜家居未半載蒙

恩授哈密辦事大臣再出玉門甫蒞任又調駐藏大臣三入玉門玉門至藏數萬里由秦入蜀過留侯祠度雞頭關五丈原弔諸葛武侯落鳳坡弔龐士元白帝城懷古遊杜工部草堂出打箭鑪凡異見異聞自古未入版圖者靡不親歷而知其詳丙午擢科布多參贊歸渡藏

序

二

河歷七十二山察木多紀程昌都玩景過居庸關出張家口郵程往返不下二萬餘里北地苦寒較烏斯更不同矣或寄詠暢心園或風句紅石山或怡情耐圃或與特鑾堂將軍多雲峻善溥泉兩參贊麟梅谷尙書慧秋谷外甥互相索和視韓昌黎孟東野之聯吟不是過也十六硯齋詩集共六卷題曰少梅詩鈔半生夢我之感墟篋之誼室家之慶朋友之情盡在是乎爰謹誌數語於卷末以當池塘春草云爾

道光己酉秋七月第瑞恩謹序

省餘詩草小序

嘉慶甲戌乙亥丙子請假省親赴吉林趨侍朝夕天倫之樂可謂至矣吉林古遼東臨榆關塞長白山川爲我

朝發祥之地遇有會心發爲詩歌後道光辛巳恩科舉孝廉官刑部性耽吟咏起甲戌年二十一歲至戊子彙爲一冊顏曰省餘詩草誌所自也

第瑞恩謹序

序

一

少梅詩鈔卷一

長白瑞元容堂著

甲戌秋赴吉林省 親

車馬匆匆到吉林別離情緒此中深極思有日承嚴
訓先卜歸期慰母心遠塞客從千里去敝裘風向五
更侵

九重宸眷何時轉關外逢人問喜音

燕郊道中

走馬燕郊

輦路平幾人遄返幾人行途中夢短雞聲緊塞上風高

少梅詩鈔卷一

一

雁影橫遊子一鞭辭故里 慈親三月計歸程荒涼山
色吟詩好極目寒雲無限情

過盤山遊雲照寺

石磴盤旋礙道傍巍峩百尺對斜陽人來古寺寒雲黑
秋到盤山塞草黃十里平沙如雪練一行鴻雁度邊牆
薊門真是煙霞地拈筆詩成野趣長

薊州道中

煙雲連大漠車馬過燕山鴻雁幾時到征人何日還半
年遼子職千里省 親顏卅載臣心篤春回
帝寵頒

古墓

荒塚徧西東兒孫盡是空夜深狐拜月樹老鬼呼風燐
火孤村閃春泥萬骨融無人稽姓氏淒絕客途中
重九前一日宿沙河

明日重陽節燕南景色新詩情濃似酒花事淡於人水
淺沙爲岸山高月作鄰滿城風雨近車馬逐煙塵

出山海關重遊望海樓

此歲遼陽役重登望海樓十年故人夢千里塞門秋沙
走連天暗潮來湧月流滄桑無限劫猶憶舊時遊
風雨走蛟龍波濤幾萬重霞光開眼界雲氣盪心胸方

少梅詩鈔卷一

二

丈誰能到浮槎未定逢金銀臺照耀一望紫煙濃
一片夕陽殷孤城蒼莽間鼓鼙鳴遠戍山海護邊關水
氣侵人面潮聲黯客顏臨榆圖尙在今昔杳難攀

塞外雜詩

風雨入殘秋雄關記壯遊輪蹄環大漠筆策出高樓野
水村間繞炊煙郭外稠至今烽堠在久矣息戈矛
寒氣透征衣深秋木葉稀亂雲隨馬散急雪向人飛
樓風猶古豐饒土最肥重來根本地回首覺依依
晝夜勞車馬遙遙野興多關河增客夢風雨亂詩魔山
遠青牛卧霜寒白草抱且投村店宿惆悵夕陽過

一鈞山月小高處最難描地濶沙塵起天寒草木凋亂
鴉棲古戍羸馬度危橋西望燕雲遠誰家弄玉簫
夜半客心慙前村忽吠犬無聊看野史排悶聽邊腔遠
浦饑鳥浴高山怒馬撞昨宵風雪緊天冷此無雙
古來爭戰地舉日積荒原廢壘狼煙息空城虎氣屯白
楊環大野紅葉認前村劍戟爲農器從今化遠藩

出威遠堡邊門

執鞭走馬邊門外異地將軍振百蠻虎豹聲銷威遠堡
煙雲氣擁大孤山春風直度
興王地秋草遙連出塞關久矣

少梅詩鈔卷一

三

天朝尊一統不分中外唱刀環

出邊門望圍場作

木落衆山秃平原好射雕執鞭催怒馬抽矢走輕颿地
險征車止風腥毛血飄恰如京觀築俘馘獻

皇朝

由吉林回京感賦

離別情難忍征車返故鄉淡旬爲日少千古此心傷抱
得丹忱篤頒來

紫誥香春回重聚首甘旨願都償

十一月十二日行抵瀋陽值 老母大壽未能拜

祝詩以誌之

馬前稽首祝 高堂此日行旌到瀋陽子職愁虧偏作
客

天心甫轉又離鄉

時家嚴自西路旋京未及燕京一年又有吉林之役

母壽逾花甲遼海人歸補玉觴如我何期關塞役 倚
閨恩共海天長

乙亥九月重赴吉林有感

兩載遼東役平安慰 老人關山縈夢寐風雪健精神
客路長千里歸期計九旬今朝燕市月又見照雙輪

三河道中

少梅詩鈔卷一

四

西風吹冷客衣單定省何嫌路渺漫木脫關山秋色老
煙迷村店夕陽殘 倚閨應念 親心苦出塞誰云子
職難此去衷情懸兩地依依何日共承歡

彩亭橋

我來彩亭橋離家三百里飄然就遠道劈面北風起鄉
夢隔煙雲音書憑墨紙隻身遼水東學作趨庭鯉一月
假爲期中心急如矢人生有至樂驅邁何堪此安得長
房法縮地盈尺咫尺早覩 嚴親顏稍得進甘旨會當隨
侍還 慈親更心喜

宿沙流河

溪流漠漠白沙屯山色蒼茫抱薊門萬戶炊煙橫古戍
一窗燈火認孤村殷勤野老來迎客惆悵鄉心欲斷魂
自是燕東瀟灑地居民猶有古風存

謝姜女祠懷古

策馬出關日已夕關外人傳姜女迹我來一眺姜女祠
祠上空餘望夫石滿山黃葉作秋聲海天一色南窗碧
當年暴秦何其愚長城萬里興大役夫征不復可奈何
波濤空見潮與汐姜女到此竟隕生千秋品重連城壁
但將大義樹綱常姓名何必求精覈遂令天下閨閣中
從此聞風生惋惜

少梅詩鈔卷一

五

雙陽夜月

人到北山北月生東海東高凝千仞雪冷暈一輪風關
塞明如此鄉園望亦同天寒詩影瘦客路感飛蓬

松花江

水捲冰飛怒馬撞朔風刺骨冷無雙巖疆更列天山戍
三面城臨一西江

遼東曲

大漠風塵著客衣征人回首思依依從今記得邊門外
白日當空雪亂飛

丙子除夕吉林寓中

秋風感慨出邊城此日趨庭序又更骨月團圓今夕酒
關山多少隔年情窮荒照眼春符豔客邸驚心爆竹聲
待到明朝添一歲萊衣還喜舞階平

乞假赴吉林省侍值 大人壽辰賦以誌喜

樂事敘天倫元宵月滿輪正當仁壽日同作太平人松
柏精神健岡陵祝頌頻遠登千里路來慶百年身兩地
聞歌管三年踏塞塵

賜環應在卽燈火際良辰

和熊酉山太守見贈原韻

拜別 北堂去關山滿目收來登千里路衝破一天秋

少梅詩鈔卷一

六

秋日遊環溪別墅

古道行人斷荒村落日投思 親甘跋涉從不識邊愁
策馬雄關外忽逢東海人停驂通問訊靚面各風塵脫
去宦場夢同爲遊子身匆匆傳數語情事盡皆真

不識環溪路城西曲徑通馬嘶村舍外人坐水亭中秋
草經霜白殘荷映日紅正當新雨後丹滿一林楓
颯颯秋風至溪山正落花一灣流水曲半嶺夕陽斜野
館堪留客名園喜近家偕游遠塵市閒坐問桑麻
偷得餘閒日相邀載酒行滿園含雨意老樹作秋聲山
鳥忽雙下寒蟲時一鳴銜杯聊復爾清興有誰爭

坐久身俱寂人稀語不喧山懸燕市月水引
御河源花氣來前席秋光映到門只愁歸路遠惆悵任
還轅

上元夜值宿提牢廳

元宵不用閒簫管入值秋曹尚未歸幾盞春燈懸案牘
一輪寒月照園扉只緣司獄官階重惟願愁城人迹稀
指日瓜期應待我還祈貫索總飛輝

代老人和晉上公將軍寄贈原韻

鱗鴻遠寄慰平生得附絲蘿結晚盟西域壯游榮舊夢
東牀快選趁春明羨君世受三公福愛我詩傳萬里情

少梅詩鈔卷一

七

更喜一官忠孝備伊江半壁賴持衡

余前歲省親攜得八妹珍莊所繪羅漢一軸

大人心喜題詩詞各一首復命作長律以附之
聰明閨閣亦多才一卷相攜出塞來遠道最宜兒輩至
親顏笑逐畫圖開淡描佛像饒生趣細寫金容見別
裁好學丹青承母訓傳神直欲上天台

謁椒山先生祠

未了丹心在千秋氣益伸死生三奏疏夫婦雨完人伏
圓全忠孝圓扉歷苦辛至今榆夾道如覩歲寒身
甲申五月新得八寶莊壁地感賦

風木驚心不自由惟清齋畔悵凝眸掌珠鬢雪當年事
春露秋霜半載愁自問平生多負愧那堪古壤始爲謀
佳城莫證聯牀話聯牀對雨園係先大夫與先叔
於蘇家坨本擬與先叔兄弟同立祖後先叔安葬
傷因在昭穴上所插柳枝經歲久而根本鬱盤去之恐
以不果宅安新成望海樓一帶丹砂橫遠案幾灣清
水向西流蒼茫煙外山光映隱約林端塔影浮宰樹垂
陰勤灌溉新碑題字細雕鏤將封馬鬣先增感用慰
護闈亦解憂勉勵墟簾承訓誨安排堂構贖愆尤但求
塋葬無餘憾豈爲兒孫藉庇蔭

題臨榆望海園照恭步先大夫原韻

少梅詩鈔卷一

八

長城萬雉接星榆二十年前作此圖望海樓頭雲氣合
昇仙臺上月光鋪傷心一幅丹青在轉瞬
三朝柱石無日日思親頻展卷那堪回首淚沾襦
自古神仙迹杳茫數行手澤大文章傳家著述觀滄
海遺照尊嚴貯錦囊幸得萱堂談往事愧深藥譜
檢良方飄然鶴馭蓬萊頂猶是榆關賞巨洋

中元日慕園掃墓

家家拜墓到郊墟哀我嚴親見背初急就園中新手
植惟清齋畔舊經畝昨年侍疾三秋裏竟日承歡半載
餘詎意蘭盆修供養一般明器載盈車

詠家藏南唐官硯

古有南唐硯滄桑幾變更歐陽傳誌語父老識真名原
叔三災出夷陵一角傾規模方且大製造淺而平莫謂
端溪貴隨將歛石輕選工非侈窳命服費經營念載頻
磨試前朝細品評揮毫供夜讀作賦寫秋聲先世珍藏
久嚴親嗜好精品瑩疑韞玉溫潤重連城點點羅文
著斑斑墨色橫傳家遺愛在觀此倍傷情

詠家藏顏魯公竹山書堂連句墨蹟

顏書竹山堂濟南曾石刻當日雙鉤者此本乃真墨字
字如其人筋骨彌挺特點畫間缺殘斑斕含古色吟成

少梅詩鈔卷一

九

連句詩絹背透筆力相隔千餘年隄廡如漆黑寶帖重
運城今昔同鑒識凡物聚所好廼爲嚴親得朝夕快
臨摹作楷宗斯則卷後手澤存頓覺心悽惻

甲申秋陶然亭餞別戴可亭師

八旬元老去

皇都祖帳高懸辛步趨落日芰荷千頃晚秋風蘆荻一
亭孤

天庭賜告矜耆舊雲署多官仰楷模他日史臣誰秉筆
二疏風味尙應輸

韓桂舲尙書被議赴工同人公送至朝陽門外感

賦

感恩司寇謫居東憲部今朝失魯公楚楚衣冠迎曉日
匆匆鞍馬逐西風一身姑置是非外萬事都歸談笑中
天眷

補題 先大夫鏡中小照

當年悟徹禪機處此日圖開幻境中鏡裏空空仍是色
人間色色竟成空歎猷胸有千秋鑑磨厲心如百鍊銅
小子不才徒仰止芙蓉佳兆夢魂通

乙酉四月新塋告成於十六日 先嚴歸葬暨

少梅詩鈔卷一

十

生母合祔感賦四首

諏吉清和日嚴親葬有時輜軒遷福地引緋送靈儀
滿目歸雲慘多情舊雨隨况爲人子者如慕復如癡
卜兆已經年莊開八寶前急思封馬鬣敢謂比牛眠遠
近沙爲岸迴環水湧泉築成新丙舍百世永綿延

哀哉 生母氏棄養正蒙初 賜祔從 慈命

恩封拜

制書撫棺今日再權厝廿年餘歸葬休嫌晚幽靈意定
如

兩字題門額哀思寄慕園歲時增孝感福祚亦親恩

神宅成三月佳城慰九原經營窀穸畢長侍 北堂萱

丁亥九月扈

圍紀事

深秋扈

蹕蘭門東鞍馬奔馳氣益雄夜夜

御營更漏永萬千燈火月明中

曉日東昇霽色開桃花寺上鬱崔嵬依山帳殿排雲出

萬騎紛紜扈

駕來

太夫人如亭詩稿刻成誌感

少梅詩鈔卷一

十一

憶昔 高堂在晨昏望倚門哀哀今日事念念卅年恩

溫清慚調護詩書記講論悉心工草聖隨意寫蘭孫緬

想 音徽遠搜羅 手澤存編成三百什括盡萬千言

橫掃裙裾氣高探雅頌源抒情誠磊落詠物自清溫圖

切旌賢母文思授後昆顯揚憑付梓傳誦倍懷萱合併

惟清集 惟先大夫有 空餘急就園 家有南園舊為 先

聊持申孺慕珍重比璵璠 母太夫人游賞之處

戊子暮春慕園卽景與謝裕荇顧古生舍弟雪舫

聯句

勝日城西道 裕 尋芳到慕園 容 輕陰籠密樹 裕 新綠繞

少梅詩鈔

重門 側帽春風晚 古 沾衣細雨溫 容 移花環靜砌 古

沽酒問前村 容 燕剪涵波動 雪 鷺簑列樹繁關心分菊

種 裕 信步數泉源 容 野店煙初直 雪 逢山日半吞 古 眼

光原上豁 裕 手澤壁間存 容 緬德餘朋舊 裕 追懷切第

昆 雪 共深留戀意歸路近黃昏 古

少梅詩鈔卷一

十二

皇華咏小序

咏曰皇華紀事也亦觀風也天下有好山水必藉詩人之筆爲生色而詩人又不能徧歷好山水故或傳或有不傳胞兄官比部時五擢星輶凡輶軒採訪備載奚囊此中爲山水傳名者正復不少余欣然再爲之序

第瑞恩謹序

序

一

少梅詩鈔卷二

長白瑞元容堂著

戊子三月奉使夏州

奉使皋蘭道隨行值暮春如何鄉思擾應是宦游新辛苦酬知己平安慰遠人只緣家事重握別語諄諄

張桓侯故里古井次昇賓旭都督原韻

桓侯遺迹認前村古井荒涼倚敗垣藏肉已知豪傑見樹碑猶幸誌銘存功從兩刃矛間立交在千鈞石上論天使雄才生漢末遙遙直欲繼鴻門

井陘山

少梅詩鈔卷二

一

纔出幽燕境關西氣象雄輪蹄孤嶂上城郭半山中路狹龍泉湧溪深鳥道通穠桃千萬樹花映夕陽紅

由獲鹿入山後屢見淮陰侯遺迹詩以誌之

試劍峰頭祠尙新雄師當日井陘陳關山高鎖談兵處沙石平環背水津千古悲歌王者佐一生成敗婦人身匆匆已過韓侯嶺賸有萋萋墓草勻

宿壽陽縣

壽陽最喜是樓臺高下參差亦壯哉夾道僅容輕騎過兩山齊擁大河來

出漳關和昇賓旭都督原韻

峭函地險設雄藩西出潼關近省垣華嶽三峰排對面
神河九曲列當門魚鱗遍野雲俱碎雉堞橫空日半吞
試看長安衝要地匆匆車馬往來繁

看打雀

一鳥誤入羅弋人如所慕數雛未出巢嗷嗷正待哺

謁邠州大佛寺和賓旭都督原韻

路傍參大佛十丈坐蓮臺洞口容金面山腰鑿石胎水
簾憑鳥度雲穴少僧來何幸能瞻仰新詩待又催

留別賓旭將軍

闕庭拜手病初痊翼日甘州

少梅詩鈔卷二

二

寵命宣愧列雲司譏鼎鍊敢隨星使賦輶軒道碑祠樹
詩高咏雪爪鴻泥迹遠傳待見三峯排筆架夏州有筆架三峯

已過八水到銀川風塵礪碌酬知己索牘紛紜勉備員
六十日多同駐節四千里外獨歸鞭依依別緒增多少

赫赫新猷冠後先詎意翻爲東道主臨行留語更纏綿

歸途懷夏州

聞說銀川好來遊細品評漢唐渠獲利魚米地傳名春
雨江南夢夏州有蘇州之名秋風渭北情至今懷樂土獨患路

難行

游華陰廟

少梅詩鈔

裝成西嶽帶秋容一瓣心香禮未恭百尺樓攀秦嶺月

幾重門對華山峯揀衣推挽藏經閣緩步追尋挂甲松

瀑布奔流千萬丈聲聲遙和五更鐘

廟貌森嚴雉堞環巍巍數里近潼關秦槐漢柏排當道

鐵鎖盤輿繫半山羽化雲臺仙氣繞夢游碑記墨痕斑

只緣路遠歸心迫未向芙蓉頂上攀

晚宿臨潼山華清宮

一鞭殘照到驪山西望長安咫尺間左右溫泉千頃漑

東南繡嶺萬松環阿房壯麗成灰燼別第逍遙賸草菅

懸轡滄桑無限劫馬蹄早已度藍關

少梅詩鈔卷二

三

晉陽道中

表裏山河壯風光盡了然立坊無貴賤樹屋必高堅榆

栗關頭月蒲萄澗底泉應知湫樸處自古戴堯天

太行山行

征夫夏末著歸鞭趁此金風霽月天更有太行山助興

一層梯上一層田

霍州

策馬岳陽行崎嶇路不平炊煙逗雲霧溪水繞山城數

里陰晴換一時寒暑更此處有韓侯黃帝廟壯游天地濶

來往此身輕

登平定州南天門

萬丈鬱崔嵬天門跌蕩開輪蹄盤道上風雨劈空來高
聳凌虛閣遙連壘土臺壘土臺即五臺山登臨無倦意隱隱暮
鐘催

連日陰雨纏綿道路泥濘因止姚村小店宿焉是

夜北風大作詰朝晴霽喜賦

北風起夜半破屋止三間雨洗一鉤月秋生千仞山莫
嫌歸路緩恰喜奏書還當此新晴日驅車度固關即井陘關
韓文公詩亭公奉命諭成德軍路經此驛有七絕一首後人因立碑亭

茫茫古驛一亭遺國子先生舊有詩巷柳園桃鄉夢遠

少梅詩鈔卷二

四

邊城節署使星宜依然明月團團照陟彼高山款款騎
詩中有馬頭惟我亦西征奉王事愧無好句與人推
有月團圓之句

出山渡滹沱河

歸鞭將入燕南境正是滹沱水落初數日山明開眼界
霎時波靜渡肩輿濃陰夾岸綠楊老野色橫堤紅蓼疎
駐馬河邊頻悵望不知豆粥味何如

中秋歸家喜賦

莫怪歸期晚行路八千方今夕聚月是故鄉圓繞
膝小兒女酣歌新管絃拋開多少事且醉洗塵筵

與古生學書

少梅詩鈔卷二

五

每到公餘夜黃庭寫一過觀摩知已切效法古人多追
覺臨池好其如肯構何家風義獻紹鐵硯愧初磨
已丑十月十五日奉使閩省
兩載歌行役奔馳路萬千人纔還朔夏詩又咏南天漸
覺鄉心做多為宦夢牽小陽春正暖結隊共揚鞭
趙北口
趙北傳名勝江南竟不如長堤爭試馬淺水聚觀魚秋
稻含風靜垂楊帶雨餘計程三百里且喜近吾廬
山東道中感賦

東郡思親客正當南北行滄桑今日感山水故人情

重建賢祠昔孟廟傾圮先君倡議先君曾書杜少陵望先君祠之石壁卅年遺愛遠父老尚傳名
路經泰安匆匆不能登岱詩以誌之

如何又負岱宗游瞻仰峯巒興自幽萬丈天門觀日出
幾層盤道傍溪流水簾河帶標名勝怪石蒼松惹唱酬
歸路更期凌絕頂齊煙九點望中收

謁岱廟

重來拜謁夕陽餘廟貌森嚴接太虛玉有溫涼昭
龍睨乾隆年間製有溫涼之廟中樹分秦漢獲嘉譽送參門裏觀
陰斷環咏亭前仰